

Dadus relata 30 Dezembru 2020

SUMÁRIU

- Ministeriu Saúde relata kazu foun hamutuk 11 iha semana kotuk (23 Dezembru) – total kazu 44 ho moras COVID-19 iha Timor-Leste. Pasiante sira hotu agora iha hela kuarentena no baixa hela iha fatin izolamentu no simu tratamentu iha facilidade saúde Vera-Cruz. Ba investigasaun no kontaktu kontinua hala’o tiha ona husi ekipa vijilansia tuir matadalan National. Atu detallu liu tan kona ba kazu foun bele hare iha pájina facebook Ministriu Saúde, [Palacio Das Cinzas](#).
- Tuir surtu ba númeru kazu sira, governu realiza ona enkontru estrordinariu hamutuk ho Konsellu Ministerial iha loron 29 fulan Dezembru. Iha sorumutu ida ne’e, Governu anúnsia taka fronteira terrestre no marítima to’o loron 2 fulan Janeiru 2021 no haforsa liu tan medida preventiva hanesan labele halibur malu liu husi ema nain 10, uza maskara iha fatin públiku no medida seluk husi COVID-19 nian hanesan fase liman no distansia fiziku.
- Ministeriu Saúde foti ona medida ativa hodi prepara lansamentu ba vasina COVID-19 iha Timor-Leste iha tinan 2021. Komisaun Kordenasaun Nasional (KKN) hala’o ona sorumutu dahuluk ba vasina COVID-19 nian ne’ebe lidera husi Direktora Jeral Servisu Saúde, Dra. Odete iha loron 28 fulan Dezembru 2020. Direksaun Ministeriu Saúde no parseiru sira hanesan UNICEF, DFAT, no seluk, diskute Termu Referensia ba iha Komisaun Kordenasaun Nasional (KKN) no OMS fornese situasaun jeral, dezafiu no etapa tuir ba iha dezvoltamentu vasina. Komisaun agora prepara ona rezumu politika badak hodi hetan aprovasaun husi Konsellu Ministerial.
- Ministeriu Saúde, ho suporta tekniku husi OMS, realiza treinamentu no ejersisiu simulasaun ba jestaun dezastre saude publika durante loron tolu iha Distritu Manatutu.

SITUASAUN IHA NÚMERU

Totál no kazu (foun) iha Timor-Leste

44 konfirmadu (**foun 11**)

0 mate

(Bazeia ba dadus ne’ebé pública iha [Ministerio da Saúde](#))

Tuir pájina WHO Timor-Leste [Facebook](#) no [Twitter](#) no [MS](#)

Ba informasaun klean liután no guia husi OMS kona-ba surtu atuál Moras Coronavirus – 2019 (COVID-19) bele asesu iha [ne’e](#).

SITUASAUN GLOBÁL

Totál kazu (foun) iha loron hitu nia laran


Globalmente

79 231 893 Konfirmadu (**4 068 632**)

1 754 574 Mate (**72 761**)




Data notifikasaun kazu foun no kumulativu COVID-19 iha Timor-Leste
(29-Dec-2020 : kazu foun-0 kumulativus-44)




Situasaun Nasional Kazu : COVID-19 Timor-Leste

(29-Dec-2020 : Kumulative figures)




Source : Direcção Nacional Controlo de Doenças - Departamento Vigiância Epidemiologia



Source : Direcção Nacional Controlo de Doenças - Departamento Vijiłansia Epidemiolojia

Teste Laboratoriu : COVID-19 Timor-Leste

(29-Dec-2020 : Kumulative figures)



Source : Direcção Nacional Controlo de Doenças - Departamento Vijiłansia Epidemiolojia

OMS TIMOR-LESTE NIA OBJETIVU ESTRATÉJIU

- Hapara moras da'et hosi ema-ba-ema inklui hamenus infesaun sekundáriu entre sira ne'ebé maka iha kontaktu fisik no pesoál saúde sira, haforsa liután prevensaun transmisaun kazu;
- Haforsa Sistema vijilánsia no aumenta kapasidade laboratóriu hodi detekta kazu COVID-19;
- Garante katak halo tuir duni padraun ba Prevensaun no Kontrole Infesaun (PKI) ne'ebé rigorozu tebes no hasa'e kapasidade ba PKI nian;
- Identifika, izola no kuida ba pasiente; inklui fornese mós kuida óptimu ba pasiente ne'ebé infetadu;
- Halo sosialisasaun ba informasaun risku no eventu ba comunidade hotu-hotu no hakotu informasaun la loos liuhosi servisu hamutuk ho parseiru sira.
- Hamenus impaktu sosiál no ekonómiku liuhosi parseria multisetorál.

REKOMENDASAUN NO KONSELLU BA PÚBLIKU

Fase ita-nia liman beibeik

Fase ita-nia liman ho dezinfetante ka fase ho sabaun no bee

Tanbasá? Fase ita-nia liman ho sabaun no bee ka uza dezinfetante sei oho virus ne'ebé hela iha ita-nia liman.

Mantein distánsia fíziku

Mantein distánsia fíziku pelumenus metru 1 (pasu 3) distánsia hosi ita nian a'an no ema seluk.

Tanbasá? Bainhira ema me'ar ka fani sira bele hada'et mós ho turuk-oan sai hosi sira-nia inus ka ibun ne'ebé dalaruma kontamina ho virus. Se ita fisik loos ema ne'e, ita bele dada iis tama fali turuk-oan ne'e, inklui ho virus COVID-19 karik ema ne'ebé me'ar infetadu hela.

Uza maskára bainhira distánsia fíziku la posível

Tanbasá? Bainhira ita iha fatin ne'ebé susar atu mantein distánsia fíziku metru ida ka liu tanba fatin kloot, importante tebes atu uza maskára atu hapara transmisaun COVID-19 nian.

Evita ka'er ita nia matan, inus no ibun

Tanbasá? Ita-nia liman ka'er fatin barak no bele da'et virus ne'e. Bainhira kontaminadu ona, hosi liman bele transfere virus ba matan, inus ka ibun. Hosi ne'e, virus ne'e bele tama ba ita-nia isin no halo ita moras.

Prátika Ijiene Respiratóriu

Tenki asegura ita-boot, no ema ne'ebé fisik ita, atu halo tuir ijiene respiratóriu. Ida ne'e signifika katak taka ibun, no inus ho liman sikun ka uza tixu bainhira me'ar or fani. Depois soe kedas tixu ne'e ba lixu fatin.

Tanbasá? Pártikula hada'et virus. Halo tuir ijiene respiratóriu, ita-boot sei proteje ema ne'ebé fisik ita hosi virus hanesan inus metin, flu no COVID-19.

Se ita-boot isin-manas, me'ar no dada iis araska, buka lalais tratamentu

Hela iha uma bainhira moras. Se isin-manas, me'ar no dada iis araska, buka lalais tratamentu médiku no telefone uluk. Halo tuir instrusaun hosi autoridade saúde.

Tanbasá? Telefone antes sei permiti pesoál saúde sira atu bele direta ita-boot ba facilidade saúde ne'ebé loos. Ida ne'e sei ajuda proteje ita-boot no ajuda prevene hada'et virus no infesaun seluk.

Buka hatene informasaun no halo tuir konsellu ne'ebé pesoál saúde sira hatoo

Buka hatene nafatin informasaun ba dezvoltimentu ikus kona-ba COVID-19. Halo tuir konsellu ne'ebé ita-boot nia pesoál saúde sira hatoo, husi autoridade saúde nasional no lokal, ka empregador kona-ba oinsá atu proteje ita-nia an no ho ema seluk husi COVID-19.

Tanbasá? Autoridade nasional no lokal sei iha informasaun atualizadu kona-ba karik COVID-19 da'et iha ita-nia área. Sira maka fatin di'ak liu atu hetan konsellu kona-ba saida mak ita tenki halo hodi proteje an.

Proteje ita nia an no sira ne'ebé ita hadomi hosi #COVID19:

- Takaibun no inus bainhira me'ar
- Labele ka'er matan, inus noibun
- Evita ba fatin públiku no limita tempu iha espasu ne'ebé taka metin
- Bainhira distansia fiziku la posivel, obrigatóriu ba ita atu uza maskára
- Mantein distansia metru ida ka liu hosi ema seluk
- Hamoos beibeik objetu no fatin sira ne'ebé ita kaer beibeik
- Izola an hosi ema bainhira sente moras no buka tratamentu, bainhira prezisa

Ba matadalan kona-ba medida preventiva seluk disponivel iha [ne'e](#).

Informasaun COVID-19 Information no kontaktu média:

- Ministériu Saúde estabelese ona número *hotline* – 119 – ba COVID-19 ne'ebé maka ema hotu-hotu bele telephone hodi hetan informasaun relasiona ho COVID-19
 - Alende ne'e, [Páijina Facebook MS](#) nian fornese atualizasaun loloos kona-ba dezvoltimentu COVID-19 iha rai laran
 - OMS Timor-Leste liuhosi nia [Páijina Facebook](#) no [Twitter](#) mós disemina informasaun kona-ba medida preventive, pergunta no resposta, *myth-buster* no atualizasaun ikus kona-ba COVID-19 iha mundu tomak no iha rai laran. Ba media no pedidu ba entrevista bele manda ba singhsho@who.int no hasane@who.int
-